

御纂醫宗金鑑

御纂醫宗金鑑卷七十七

編輯眼科心法要訣目錄

目睛原始歌

五輪圖

五輪所屬部位歌

五輪主五藏病歌

八廓圖

八廓部位歌

八廓所屬部位歌

八廓主六府命門包絡病歌

內因爲病歌

外因爲病歌

不內外因爲病歌

內障總名歌

內障初患久變五風歌

五風初患有餘歌

方附

五風初患不足歌

方附

黃風有餘歌

方附

黃風不足歌 方附

綠風有餘歌 方附

綠風不足歌 方附

黑風有餘歌 方附

黑風不足歌 方附

烏風有餘歌 方附

烏風不足歌 方附

青風有餘歌 方附

青風不足歌 方附

行集醫金
卷一
圓翳歌

方附

冰翳歌

方附

滑翳歌

方附

瀉翳歌

方附

浮翳歌

方附

沉翳歌

方附

橫翳歌

方附

散翳歌

方附

偃月翳歌

方附

白翳黃心歌 方附

黑水凝翳歌 方附

棗花翳歌 方附

雲頭風歌 方附

驚振內障歌 方附

瞳人乾缺歌 方附

雀目歌 方附

高風內障歌 方附

胎患內障歌 方附

御纂醫宗金鑑卷七十七

編輯眼科心法要訣

目睛原始歌


天有日月陰陽精人有二目藏府精衆精之窠爲
之眼肉精上下兩胞名血精兩眥氣精白筋精爲
黑骨精瞳約束裹擷系屬腦目睛原始要詳明

註

天有日月猶人之有二目也天之日月乃天
之陰陽之精而爲之也人之二目亦人之五
藏六府之精上注於目而爲之也故衆精之

窠爲之眼也肉之精爲上下胞也血之精爲
兩眦也氣之精爲白眼也筋之精爲黑眼也
骨之精爲瞳人也約束裏擷氣血筋骨之精
其系上屬於腦不可不明此目睛之原始也

五輪之圖



肉輪屬脾主肉	血輪屬心主血	氣輪屬肺主氣	風輪屬肝主筋	水輪屬腎主骨
--------	--------	--------	--------	--------

五輪所屬部位歌

五輪肉血氣風水肉輪兩胞血輪皆氣輪白睛風
輪黑水輪瞳子自當知

註五輪者肉輪血輪氣輪風輪水輪也謂之輪
者目睛運動如輪之意也上下兩胞爲肉輪
內外兩眥爲血輪白睛爲氣輪黑睛爲風輪
瞳人爲水輪此明五輪之部位分屬五藏也
五輪主五藏病歌


胞爲脾病眥主心肺白肝黑腎瞳人五輪爲病主

五藏寒熱虛實隨證分

註
胞爲肉輪主脾病也內外二眦爲血輪主心
病也白睛爲氣輪主肺病也黑睛爲風輪主
肝病也瞳人爲水輪主腎病也五輪之病五
藏主之其寒熱虛實當隨所現之證而分之
也

復元圖卷之八

八 廓 之 圖



水廓屬膀胱又名津液廓

風廓屬膽又名養化廓

天廓屬大腸又名傳導廓

地廓屬胃又名水穀廓

火廓屬小腸又名抱陽廓

雷廓屬命門又名關泉廓

澤廓屬三焦又名清淨廓

山廓屬包絡又名會陰廓

八廓部位歌

瞳人水廓黑睛風天廓白睛部位同內眥火雷外
山澤上下胞屬地廓宮

註

八廓者水廓風廓天廓火廓雷廓山廓澤廓
地廓也謂之廓者猶城郭衛禦之義也瞳人
屬坎水郭也黑睛屬巽風廓也白睛屬乾天
廓也內眥大眥也屬離火震雷之廓也外眥
小眥也屬艮山兌澤之廓也兩胞屬坤地廓
也此明八廓以八卦立名示人六腑命門包

絡之部位也

八廓所屬歌

津液水廓屬膀胱養化風廓是膽方傳導天廓大
腸是水穀地廓胃家鄉關泉雷廓命門主抱陽內
眚火小腸外眚三焦清淨澤會陰山廓包絡疆

註

內眚火小腸謂內眚火廓屬小腸也外眚三
焦清淨澤謂外眚屬三焦清淨澤廓也津液
廓卽水廓水廓屬腎腎與膀胱爲表裏膀胱
爲津液之府故又名焉養化廓卽風廓風廓

屬肝肝與膽爲表裏膽爲少陽主長養化育
故又名焉傳導廓卽天廓天廓屬肺肺與大
腸爲表裏大腸爲傳導之官故又名焉水穀
廓卽地廓地廓屬脾脾與胃爲表裏胃納水
穀故又名焉抱陽廓卽火廓火廓屬心心與
小腸爲表裏依附於陽故又名焉關泉廓卽
雷廓命門者龍雷之火故名關泉附於火廓
也清淨廓卽澤廓三焦者陽相火也蒸化水
穀爲決瀆之官故名清淨附於火廓也會陰

行身醫案全錄 卷二十一
三
廓卽山廓包絡者陰相火也依附於心爲臣使之官故名會陰附於火廓也

八廓主六府命門包絡病歌

風廓屬膽水膀胱大腸天廓地胃鄉火廓小腸雷
廓命山澤三焦包絡方

註

此明八廓所屬也風廓卽風輪也風輪屬肝
肝與膽爲表裏故輪主藏爲肝病廓主府爲
膽病水廓卽水輪也水輪屬腎腎與膀胱爲
表裏故輪主藏爲腎病廓主府爲膀胱病天

廓卽氣輪也氣輪屬肺肺與大腸爲表裏故
輪主藏爲肺病廓主府爲大腸病地廓卽肉
輪也肉輪屬脾脾與胃爲表裏故輪主藏爲
脾病廓主府爲胃病火廓雷廓澤廓山廓卽
血輪之部位也血輪屬心心與小腸爲表裏
故輪主藏爲心病廓主府爲小腸病其雷廓
命門澤廓三焦山廓包絡皆附於血輪者以
命門三焦包絡俱屬相火當稟命於君火故
當附焉